

Uunga

allannguutissatut siunnersuut

Uunga siunnersuut: Imigassaq pillugu Inatsisartut Inatsisaat nr. xx, xx. xx 2018-imeersoq

Pingajussaaniigassanngorlugu Naalakkersuisunut saqqummiunneqartoq.

§ 1-mut

1. § 1 ima oqaasertalerneqassaaq:

“ § 1. Imigassanik aalakoornartortalinnik tuniniaanerit aamma sassaalliinerit tamarmik Inatsisartut Inatsisaanni matumani pineqarput.

Imm. 2. Taamatuttaaq angerlarsimaffinni imigassanik aalakoornartortalinnik imigassaliortarneq Inatsisartut Inatsisaanni ilanngunneqarpoq.

Imm. 3. Nunanut allanut timmisartuussinernut atatillugu mittarfinni akitsuuteqanngitsunik tuniniaanermut Inatsisartut Inatsisaat atuutinngilaq.”

§ 2-mut

2. § 2 ima oqaasertalerneqassaaq:

“ § 2. Inatsisartut Inatsisaanni matumani ”imigassatut aalakoornartortalittut” taaneqartut tassaapput imigassat sulluunniit tamarmik 2,25 volumenprocent qaangerlugulu aalakoornartumik akullit.

Imm. 2. ”Tuniniaaneq” tassaavoq akiliisitsilluni imigassanik aalakoornartortalinnik tuniniaaviup avataani imerneqartussanik atuisartumut tunniussineq.

Imm. 3. ”Sassaallineq” tassaavoq sassaalluteqarfimmi imaluunniit tamatuma eqqaani imerneqartussanik imigassanik aalakoornartortalinnik akiliisitsilluni sassaalluteqarneq.

Imm. 4. Inatsisartut Inatsisaanni matumani ”imigassaq pillugu akuersissut” imaluunniit ”akuersissut” tassaavoq imigassanik aalakoornartortalinnik tuniniaasinnaanermut imaluunniit sassaalliisinaanermut akuersissut.

Imm. 5. Inatsisartut Inatsisaanni matumani ”ataasiaannartumik atuuttussamik akuersissut” tassaavoq ataasiaannartumik tamanut ammasumik aaqqissuussamik ingerlatsinermut atatillugu imigassanik aalakoornartortalinnik sassaalliinermut akuersissut.

Imm. 6. Inatsisartut Inatsisaanni matumani ”takornariat pillugit akuersissut” tassaavoq takornarianik sullissinermut atatillugu sumiiffimmi inuit najugaqarfiginngisaanni imigassanik aalakoornartortalinnik sassaalliinermut akuersissut.

Imm. 7. ”Nalliuttut” imatut paasineqarput ukiutoqaq, ukiortaaq, kunngit pingasut ulluat, sisamannorneq illernartoq, tallimannorneq tannaartoq, poorskip ullua, poorskip aappaa, tussiarfissuaq, qilaliarfik, piinsi, piinsip aappaa, inuiattut ullorsiorfik, juulliaraq, juullerujussuaq, juullip aappaa.”

§ 3-mut

3. § 3 ima oqaasertalerneqassaaq:

“ § 3. Imigassaq pillugu akuersissuteqarnani imigassanik aalakoornartortalinnik tuniniaanissaq sassaalliinerluunniit inerteqqutaavoq.

Imm. 2. Kommunalbestyrelsi imigassaq pillugu akuersissuteqartartuuvoq.

Imm. 3. Imigassaq pillugu akuersissuteqartoqannginnerani suliaq ukununnga tusarniutigineqassaaq:

- 1) Kalaallit Nunaanni Politiit,
- 2) kommunimi meeqqat inuusuttullu pillugit ingerlatsivik,
- 3) kommunimi peqqissuseq pitsaaliuinerlu pillugit ingerlatsivik, aamma
- 4) immaqalu nunaqarfinni aqutsisut.

Imm. 4. Kalaallit Nunaanni Politiit akuersinerisigut siulittaasoq ataasiaannartumik atuuttussamik akuersissuteqarsinnaavoq.

Imm. 5. Kommunalbestyrelsimut ilaasortat tamarmik kommunalbestyrelsimut ilaasortaanermi pissutsit ilisimalikkatik pillugit nipangiussisimasussaataapput.

Imm. 6. Kommunalbestyrelsi kinaassutsimik uppenarsaasiinermikkut ininik silamilu sumiiffinnik Inatsisartut inatsisaanni matumani suliffeqarfinnut ilaatinneqartunut atasunik misissuisinnaatitaapput. Kommunalbestyrelsip piunasaqarneratigut atortussat paasissutissallu akuersissummik pigisaqartumit tunniunneqassapput. Misissuisinnaatitaanermi init unnuiffissatut attartortinneqartut ilaatinneqanngillat.”

§ 4-mut

4. § 4 ima oqaasertalerneqassaaq:

“ § 4. Inuit imigassaq pillugu akuersissummik tunineqarsinnaasut tassaapput:

- 1) 25-nik ukioqalereersimasut,
- 2) nammineersinnaassusiiagaasimangitsut imaluunniit aningaasaqarnerminnik nammineq aqutseqqusaajunnaarsinneqarsimangitsut,
- 3) suliffimmik illersorneqarsinnaasumik ingerlatsisinnaanngitsuusutut pissusilersorsimangitsutut isigineqarsinnaanngitsut,
- 4) § 8 malillugu akuersissummik tunniussinissamut akornutaasunik tapiissutinik imaluunniit pisussaaffinnik tiguisimangitsut,
- 5) pisortanut 100.000 koruuninik amerlanerusunilluunniit akiligassaareersunik akiitsoqanngitsut, aamma
- 6) akiliisinnaajunnaarsimasutut sullinneqanngitsut imaluunniit suliffeqarfimmik aaqqissuusseqqinngitsut.

Imm. 2. Imigassaq pillugu akuersissut ingerlatseqatigiiffinnut taamaallaat tunniunneqarsinnaavoq:

- 1) ingerlatseqatigiiffiup akiliisinnaajunnaarnera imaluunniit aaqqissuuteqqinneqarnera pillugu suliaqartoqanngippat,

2) ingerlatseqatigiiffik pisortanut 100.000 koruuninik imaluunniit amerlanerusunik pisortanut akiligassaareersunik akiitsoqanngippat,

3) § 8 malillugu akuersissutinik tunniussinissamut pissutsinik atuuttoqanngippat, aamma

4) ingerlatseqatigiiffiup qullersaqarfiani ilaasortat tamarmik siulersuisullu affai imm. 1-imi piumasaqaatinik eqquutsitippata. Nutaat ilaasortanngortut imm. 1-imi piumasaqaatinik eqquutitsissapput. Ilaasortat nikinnerannik nalunaarut allannguutip atuutsinneqalerneranit kingusinnerpaamik ullut arfineq-marluk kingorna kommunalbestyrelsimut tunniunneqassaaq.

Imm. 3. Imm. 1-imi ukioqqortussutsimut piumasaqaat kommunalbestyrelsimit immikkut ittumik avaqqunneqarsinnaavoq.

Imm. 4. Piginneqatigiiffinni pisussaaffillit peqataasut tamarmik imigassaq pillugu akuersissummik pigisaqassapput.

Imm. 5. Peqatigiiffiit, klubbit assigisaallu imigassanik sassaalliinermut assingusumik sullissisut akuersissummik pigisaqassapput.”

§ 5-mut

5. § 5, ima oqaasertalerneqassaaq:

“ § 5. Imigassaq pillugu akuersissummik pissarsiniarluni qinnuteqaatit suliarineranni kommunalbestyrelsip inuiaqatigiit, torersuutitsineq pitsaaliuinerlu eqqarsaatigalugit nalilissavaa ataatsimut isigalugu akuerineqarsinnaasumik imigassamik aalakoornartulimmik atuneq qulakkeerneqarsimanersoq. Tassunga atatillugu kommunalbestyrelsip makkua aamma isiginiassavai:

1) qinnuteqartup niuernermit piginnaaneri,

2) qinnuteqartup aningaasaqarnikkut atugai aningaasaqarnikkullu pilersaarutai,

3) suliffeqarfiup inissisimaffia, angissusia, inissitsitigaanera pissutsillu immikkut atuuttut, tassa suminnaanniit imigassanik aalakoornartortalinnik nioqquteqartoqarniarnera imaluunniit sassaalliiniarneq, aamma

4) Isumaginninnikkut politiinullu tunngasut pillugit immikkut isummat.

Imm. 2. Taamaattorli kommunalbestyrelsip imm. 1, nr. 1-2 naapertorlugit mianerinninneq ilanngutissanngilaa, qinnuteqartut § 4, imm. 5 naapertorlugu qinnuteqartut pineqartillugit.

Imm. 3. Imigassaq pillugu akuersissutit ukiunut pingasunut atuuttussanngorlugit tunniunneqartassapput. Kommunalbestyrelsi piffissami sivikinnerusumi atuuttussanik imigassaq pillugu akuersissuteqarsinnaavoq.

Imm. 4. Piffissap akuersissuteqarfiusup naannginnerani imigassaq pillugu akuersissutip sivitsorneqarnissaanik qinnuteqaat tunniunneqarpat, piffissallu akuersissuteqarfiusup naannginnerani piffissamik akuersissuteqarfiusumik nutaamik pissarsinissamik apeqqut inaarutaasumik aalajangiiffigineqarsimanngippat kommunalbestyrelsip aalajangiussinissaata tungaanut akuersissut atuutiinnassaaq, taamaattorli akuersissutip atorunnaarneranit sivisunerpaamik qaammatini pingasuni atuussinnaassalluni.

Imm. 5. Suliffeqarfiup piginnittulluunniit atugai annertuumik allanngorpata piffissami akuersissuteqarfiusumi akuersissut pillugu kommunalbestyrelsi nutaamik isumaliutersuuteqarsinnaavoq.

Imm. 6. Imigassaq pillugu akuersissummik qinnuteqarnermi ilanngunneqassaaq imigassaq pillugu politikki, tamatumani imigassanik aalakoornartulinnik akisussaassusilimmik

tuniniaanissaq sassaalliiniarnerluunniit akuersissummik pigisaqartumit qanoq qulakkeerneqassanersoq nassuiaatigineqassalluni.

Imm. 7. Makku imigassaq pillugu akuersissummik tunineqassappata Naalakkersuisut akuersinissaat piumasaqaataavoq:

- 1) inuit imigassanik aalakoornartortalinnik imigassaliortartut imaluunniit nioqquteqartartut, aamma
- 2) inuit ingerlatseqatigiiffinni il.il. qullersanut siulersuisunulluunniit ilaasortat aamma imigassanik aalakoornartortalinnik imigassaliortartut nioqquteqartartulluunniit.”

§ 8-mut

6. § 8 ima oqaasertalerneqassaaq:

“ § 8. Akuersissummik pigisaqartut aamma aqutsisut imigassaq pillugu akuersissummik pigisaqartut Naalakkersuisunit akuerineqaqqaartinnatik imigassanik aalakoornartortalinnik imigassaliortartunit imaluunniit nioqquteqartartunit tunissutininik tigusaqarsinnaanngillat taarsigassarsinnaanngillat, aamma pequtinik atorsinnaanngillat, aallaqqaatissatut akiliutinik imaluunniit nalinginnaasuunngitsumik akiitsunik pissarsisinnaanngillat.

Imm. 2. Akuersissummik pigisaqartut aamma akuersissummik aqutsisut Naalakkersuisunit akuerineqarnatik pisussaaffinnut akuersissanngillat, taakkua naammassineqarnissaat imigassanik aalakoornartortalinnik imigassaliortartunit imaluunniit nioqquteqartunit qularnaveeqquserneqarsimappata.”

§ 10-mut

7. § 10 ima oqaasertalerneqassaaq:

“ § 10. Imigassanik aalakoornartortalinnik sassaalliisinnaanermut akuersissutit tassaapput:

- 1) Suussutsinik tamanik sassaalliineq: Imigassanik aalakoornartortalinnik suussutsinik assigiinngitsunik tamanik sassaalliisinnaanermut akuersissut.
- 2) 16 % tikillugu akulinnik sassaalliineq: Imigassanik aalakoornartortalinnik 16 volumenprocent angullugu aalakoornartumik akoqartunik sassaalliisinnaanermut akuersissut, tamatumani imigassalliissutigineqartoq ataaseq 16 volumenprocent angullugu kimittussuseqaqqusaanani.
- 3) 4,10 % tikillugu akulinnik sassaalliineq: Imigassanik aalakoornartortalinnik 4,10 volumenprocent angullugu aalakoornartumik akoqartunik taamaallaat sassaalliisinnaanermut akuersissut, tamatumani imigassalliissutigineqartoq ataaseq 4,10 volumenprocent angullugu kimittussuseqaqqusaanani.
- 4) Takornariat pillugit akuersissut: Imigassanik aalakoornartortalinnik sugaluartunilluunniit takornarianik sassaalliisinnaaneq.
- 5) Ataasiaannartumik atuuttussamik akuersissut: Ataasiaannartumik tamanut ammasumik aaqqissuussamik ingerlatsinermi sassaalliisinnaanermut akuersissut, tamatumani imigassalliissutigineqartoq ataaseq 16 volumenprocent angullugu kimittussuseqaqqusaanani.

Imm. 2. Ataasiaannartumik atuuttussamik akuersissummik qinnuteqarnermi akisussaassuseqartumik sassaalliinissamut, aaqqissuussamik ingerlatsinermut aamma avatangiiserisanut inuiaqatigiinnullu akornusiisinnaanerit qanoq killilersimaarneqarnissaannut

pilersaarummik ilanngussisoqassaaq. Aaqqissuussap ingerlanneqarnissaa kingusinnerpaamik ullunik marlunnik sioqqullugu imm. 1 malillugu ataasiaannartumik atuuttussamik akuersissutip assilinera kommunalbestyrelsip Kalaallit Nunaanni Politiinut nassiutissavaa.

Imm. 3. Aaqqissuussap naleqquttumik ingerlanneqarnissaa siuarsarniarlugu piunasaqaateqarnissaq imaluunniit avatangiisinut inuiaqatigiinnullu akornusiisinaanerit killilersimaarnissaat ataasiaannartumik atuuttussamik akuersissuteqarnissami piunasaqaatigineqarsinnaapput.

Imm. 4. Meeqqat inuusuttuaqqallu 18-it inorlugit ukiullit angajoqqaaminnit, angajoqqaatut nakkutilliisuminnit inummilluunniit allamit oqartussaasumit ukiukitsumut immikkut akisussaassuseqartumit aatsaat ingiaqateqarlutik ataasiaannartumik attuuttussamik akuersissuteqarluni aaqqissuussami peqataasinnaapput. Tamatumunnga akisussaaffik aaqqissuussisumit pisussaaffigineqassaaq.”

8. § 10 kingorna nutaamik qulequtaqassaaq:

“Nunaminertat aamma init sassaalliuteqarfiusut”

§ 11-mut

9. § 11 ima oqaasertalerneqassaaq:

“ **§ 11.** Inuusutissarsiutigalugu imigassanik aalakoornartortalinnik tuniniaaneq sassaalliisarnerluunniit taamaallaat pisinnaapput inini silamiluunniit nunaminertani siunertamut naleqqussarneqarsimasuni aamma tamatumunnga akuerineqartumi.

Imm. 2. Annertunngitsumik eqqutitsinnginnerit kisimik pineqarpata kommunalbestyrelsi immikkut ittumik pissutissaqartillugu imm. 1 avaqqussinnaavaat. Immikkut ittumik akuersissutit akuersissummi allassimassapput.

Imm. 3. Takornariat pillugit akuersissutit ataasiaannartumillu atuuttussamik akuersissutit imm. 1-imi ilaatinneqanngillat.

Imm. 4. Naalakkersuisut imigassanik aalakoornartortalinnik tuniniaavinni imaluunniit sassaalliisarfinni init, silami nunaminertat assigisaasalu ilusilersorneqarnerannut atornerarnerannullu maleruaqqusaliorsinnaapput.”

§ 14-mut

10. § 14. ima oqaasertalerneqassaaq:

“ **§ 14.** Imigassaq pillugu akuersissummik pigisaqarsinnaaneq eqqartuussisutigut arsaarinnissutigineqarsinnaavoq akuersissummik pigisaqartoq imaappat:

- 1) imigassaq pillugu akuersissummi piunasaqaatinik annertuumik imaluunniit arlaleriarluni unioqqutitsisimaguni,
- 2) Inatsisartut inatsisaanni matumani aalajangersakkanik annertuumik imaluunniit uteqqiattumik, imaluunniit najoqqutassanik Inatsisartut Inatsisaata matuma malitsigisaanik saqqummiunneqarsimasunik unioqqutitsisimaguni, imaluunniit

3) Kalaallit Nunaanni pinerluttulerinermi Inatsimmik, Kalaallit Nunaanni sakkut pillugit inatsimmik, aangajaarniutit pillugit inatsimmik, imaluunniit akileraartaarneq akitsuutillu pillugit inatsisunik unioqqutitsisimaguni.

Imm. 2. Sulianik arsaarinnissuteqarnermut tunngasunik aalajangersaaneq eqqartuussivinnit aalajangerneqassaaq.”

§ 16-mut

11. § 16 ima oqaasertalerneqassaaq:

“ § 16. Akuersissummik pigisaqartup imaluunniit taassuma sulisuisa sullitat imigassanik aalakoornartortalinnik imeqatigeqqusaanngilaat.”

Kapitali 4-mut

12. Kapitali 4 qulequtaa ima oqaasertalerneqassaaq:

”Imigassanik aalakoornartortalinnik tuniniaaneq sassaalliisarnerlu”

§ 19-mut

13. § 19 ima oqaasertalerneqassaaq:

“ § 19. Inunnut takuneqarsinnaasumik aalakoortunut imigassanik aalakoornartortalinnik tuniniaaneq imaluunniit sassaalliisarneq inerteqqutaavoq.

Imm. 2. Akuersissummik pigisaqartoq imm. 1-imi inerteqqutaasutut taaneqartoq pillugu pisisartunut takuneqarsinnaasunngorlugu allagarsiisimassaaq.”

§ 20-mut

14. § 20 ima oqaasertalerneqassaaq:

“ § 20. Imigassanik aalakoornartortalinnik inunnut 18-it inorlugit ukiulinnut tuniniaaneq imaluunniit sassaalliisarneq inerteqqutaavoq.

Imm. 2. Akuersissummik pigisaqartoq imm. 1-imi inerteqqutaasutut taaneqartoq pillugu pisisartunut takuneqarsinnaasunngorlugu allagarsiisimassaaq.

Imm. 3. Akuersissummik pigisaqartup imaluunniit tuniniaanermik imaluunniit sassaalliisarnermik ingerlatsisup akisussaaffigaa qulakkiissallugu imm. 1-imi qassinik ukioqarnissamut aalajangersakkap uppernarsaasertinnissaa.

Imm. 4. Nal. 20.00-ip kingorna inuusuttut 18-it inorlugit ukioqartut angajoqqaamik, angajoqqaatut akisussaasumik imaluunniit inersimasumik, inuusuttumut immikkut akisussaassuseqartumik ingiaqateqanngikkunik neriniartarfinnut aamma allanut imigassanik aalakoornartortalinnik sassaalliisarfinnut iserteqqusaanngillat. Akuersissummik pigisaqartup aamma taassuma sulisuisa pisussaaffigaa inuusuttup 18-it inorlugit ukioqartup piumasarineqartutut ingiaqatigisaqarnera nakkutigissallugu.”

§ 23-mut

15. § 23 ima oqaasertalerneqassaaq

“ **§ 23.** Sassaalliisarfiit imigassanik aalakoornartulinnik annissassanik tuniniaaqqusaanngillat.

Imm. 2. Umiarsuit umiarsualivinniittut ilaasorinngisaminnut imigassanik aalakoornartortalinnik tuniniaaqqusaanngillat imaluunniit sassaalliuteqaqqusaanngillat.”

§ 24-mut

16. § 24 ima oqaasertalerneqassaaq:

“ **§ 24.** Akuersissummik pigisaqartup pisussaaffigaa qulakkiissallugu imigassanik aalakoornartulinnik tuniniaanermik aamma sassaalliinermik akuersissummik pigisaqartup sulisitarisami tamarmik akisussaassuseqartumik imigassanik aalakoornartortalinnik tuniniaanermut aamma sassaalliinermut pikkorissarnerni peqataasimanissaat.”

17. Inatsisartut inatsisaata qallunaatuani § 24-p kingorna titarnertaaq nutaaq ilanngunneqarpoq.

18. § 24-p kingorna qulequtaq nutaaq allanneqarpoq:

Piffissat tuniniaasinnaatitaaffiit sassaalliisinnaatitaaffillu

§ 25-mut

19. §25 ima oqaasertalerneqassaaq:

“ **§ 25.** Imigassanik aalakoornartortalinnik tuniniaaneq pisinnaavoq ataasinngornermit tallimanngornermut nal. 09.00-imit 18.00-imut aamma arfininngornermi nal. 10.00-imit 14.00-imut.

Imm. 2. Sapaatini nalliuttunilu imigassanik aalakoornartulinnik tuniniaasoqaqqusaanngilaq.”

§ 26-mut

20. § 26 ima oqaasertalerneqassaaq:

“ **§ 26.** Imigassanik aalakoornartortalinnik sassaalliineq pisinnaavoq:

- 1) Ataasinngornermit sisamanngornermut nal. 12.00-imit 24.00-imut.
- 2) Tallimanngornermi aamma arfininngornermi nal. 12.00-imit 03.00-imut.
- 3) Sapaatini nalliuttunilu nal. 12.00-imit 24.00-imut.

Imm. 2. Ataasiaannartumik atuuttussamik akuersissutit pineqartillugit nal. 12.00-imiit 24.00-imut sassaalliisoqarsinnaavoq. Kommunalbestyrelsip tallimanngornermi arfininngornernilu nal. 03.00 tikillugu sassaalliisoqarsinnaanera immikkut akuersissutigisinnaavaa.

Imm. 3. Imm. 1-imi aalajangersakkat apeqqutaatinnagit ukiutoqqami aamma juullip-aappaani nal. 12.00-03.00 aalakoornartortalinnik sassaalliisoqarsinnaavoq.

Imm. 4. Imm. 1-imi aamma 2-mi aalajangersakkat apeqqutaatinnagit juulliaqqami juullerujussuarmilu imigassanik aalakoornartortalinnik sassaalliisoqaqusaanngilaq.

Imm. 5. Naalakkersuisut imigassanik aalakoornartortalinnik sassaalliineq pillugu sukumiinerusunik malittarisassiorsinnaapput takornarianillu sullissinermi imigassanik aalakoornartortalinnik sassaalliisarnissamut piffissanik immikkut ittunik aalajangersaasinnaapput, tamatumani imm. 1-imi, 2-mi aamma 3-mi aalajangersakkat maleruarneqanngillat.

Imm. 6. Sassaalliisarfiit piffissap sassaalliiffiusinnaasup qaangiunnerata kingornatigut nalunaquttap akunnera ataaseq tikillugu ammatinneqarsinnaapput.”

§ 27-mut

21. § 27 ima oqaasertalerneqassaaq:

“ § 27. Imigassat aalakoornartortalit pillugit ussasaarineq, allagarsiussineq allatulluunniit ussasaarineq inerteqqutaavoq.

Imm. 2. Tamatumunnga taarsiullugu meqqit, saqqarmiuusat, ilisarnaatit takussutissalluunniit allat atuisup imigassanik aalakoornartulinnut tunngassuteqartutut paasisinnaasai atornerisigut inerteqqut avaqqunneqaqusaanngilaq. Tamannali suliffeqarfiup ilisarnaataanut atuutinngilaq.

Imm. 3. Imigassanik aalakoornartulinnik akeqanngitsumik agguaaneq inerteqqutaavoq.

Imm. 4. Niuertarfinni sassaalliisarfiillu iluini assiaqusersorsukkami ussasaarisinnaaneq imm. 1-imi aamma 2-mi inerteqqummut ilaatinneqanngilaq.

Imm. 5. Tusagassiorfiit nunanit allaneersut imm. 1-imi aamma 2-mi inerteqqummut ilaatinneqanngillat.”

§ 29-mut

22. § 29 ima oqaasertalerneqassaaq:

“ § 29. Automatit atorlugit imigassanik aalakoornartortalinnik tuniniaaneq imaluunniit sassaalliineq inerteqqutaavoq.”

§ 31-mut

23. § 31 ima oqaasertalerneqassaaq:

“ § 31. Imigassanik sassaalliisarfinni nal. 23.00-ip kingornatigut sassaalliisarfinni inunnik matulerisutut nakkutilliisussanik sulisoqassaaq.

Imm. 2 Inuit 18-it inorlugit ukioqartut neriniartarfinni allanilu sassaalliisarfinni matulerisutut sulisoreqqaanngillat.

Imm. 3. Matulerisunik ilinniartitsinissamut piumasaqaatinik maleruaqqusanik Naalakkersuisut aalajangersaasinnaapput.”

§ 32-mut

24. § 32 ima oqaasertalerneqassaaq:

“ § 32. Politiit inuit, sassaalliisarfimmi isersimanerminni pinerluttuliornermik iliuseqarsimasut sassaalliisarfimmi aalajangersimasuni isersimasinnaaner at inertequtigisinnaavaat.

Imm. 2. Taamatutaaq sassaalliisarfimmi pissutsit immikkut ittut pissutigalugit meeqqat inuusuttullu isersimanissaat naleqqutinngippat politiit sassaalliisarfimmi peqqusinnaavaat 18-it inorlugit ukiulinnik isersimasoqartassanngitsut.”

§ 34-mut

25. § 34 ima oqaasertalerneqassaaq:

“ § 34. Sumiiffimmi imigassanik aalakoornartortalinnik tuniniaaffiusuni imaluunniit sassaalliteqarfiusuni kikkunnit tamanit orninneqarsinnaasuni inerteqqutaavoq eqqissiviillortitsinermik imaluunniit allanut tamatumaniittunut imaluunniit eqqaani najugaqartunut akornusersuutaasumik kinguneqarsinnaasutut nalilerneqarsinnaasumik nipiliorluni, nakuuserluni, narrunarsaalluni imaluunniit taamaaqataanik ileqqulersorneq.

Imm. 2. Arlaannit imm. 1-imi taaneqartut unioqqutinneqarpata, taava akuersissummik piginnittoq imaluunniit taassuma sinniisaa pissutsinik uparuaassaaq pisariaqarpallu pineqartoq qimagutitillugu imaluunniit politiinik aggeqqusilluni.”

§ 35-mut

26. § 35 ima oqaasertalerneqassaaq:

“ § 35. Tuniniaavimmi imaluunniit sassaalliisarfimmi paggittoqarsimappat imaluunniit malunnartumik eqqissiviillortoqarsimappat, taava politiit peqqussutigisinnaavaat sumiiffik piffissap ammasarfiup sinnerani matoqqassasoq.

Imm. 2. Politiinit matuseqqusisimanertik ullormi nalinginnaasumi siullermi kommunalbestyrelsimut nalunaarutigissavaat.”

§ 36-mut

27. § 36 ima oqaasertalerneqassaaq:

“ § 36. Politiit nalilerunikku tuniniaasarfimmi imaluunniit sassaalliisarfimmi nakuusernermik pissusilersortoqarsinnaanera immikkut aarlerinaateqartoq nakuusernerup ajoqusernissallu aarlerinassusiat annikillisinniarlugu suliffiup ilusilersonera pequsersorneralu pillugit peqqussuteqarsinnaapput.

Imm. 2. Imm. 1 tunngavigalugu peqqussuteqarnermi politiit peqqusummik maleruaanissamik piffissaliillutik aalajangersaasinnaapput.

Imm. 3. Peqqussut imm. 1 aamma 2 naapertorlugu piffissarititaasup aalajangersarneqarsimasup iluani malinneqanngippat, politiit kommunalbestyrelsimut inassutigissavaat akuersissutip arsaarinnissutigineqarnissaa, peqqussutip malinneqarnissaata tungaanut. Tamatumunnga ilutigitillugu politiit akuersissut arsaarinnissutigigallarsinnaavaat kommunalbestyrelsip aalajangersaanissaata tungaanut. “

§ 39-mut

28. Inatsisartut inatsisaata qallunaatuani § 39-p kingorna titarnertaaq nutaaq ilanngunneqarpoq.

§ 41-mut

29. § 41 ima oqaasertalerneqassaaq:

“ § 41. Inatsisartut Inatsisaata matuma aalajangersagartai allat apeqqutaatinnagit Naalakkersuisut, kommunalbestyrelsimit imaluunniit nunaqarfimmi aqutsisunit inassuteqaat naapertorlugu, najukkami imaluunniit nuna tamakkerlugu innuttaasunit taasititsinerup inernera tunngavigalugu, imaluunniit imigassat aalakoornartortallit meeqqat isumagineqarnerannut imaluunniit innuttaasut isumannaatsuunissaannut navianartorsiortitsippat imigassanik aalakoornartortalinnik tuniniaanermut sassaalliisinaanermullu malittarisassianik aalajangersaasinnaapput, taamaasillugu innuttaasut imigassanik aalakoornartortalinnik pisinnaanerat killilerlugu unitsilluinnarluguluunniit.

Imm. 2. Imm. 1-imi malittarisassat nuna tamakkerlugu atuuttussanngortinneqarsinnaapput imaluunniit nunap immikkoortuanut aalajangersimasumut taamaallaat atuuttussanngortinneqarsinnaallutik.

Imm. 3. Naalakkersuisut sumiiffinni kommuneqarfiit aggornerisa avataanniittuni imigassaq pillugu akuersissuteqartarnerit arsaarinnissuteqartarnerillu pillugit malittarisassanik aalajangersaasinnaapput.

Imm. 4. Naalakkersuisut umiarsuarni imigassanik aalakoornartortalinnik tuniniaanermut sassaalliinermullu tunngasunik malittarisassanik aalajangersaasinnaapput.”

§ 42-mut

30. § 42 ima oqaasertalerneqassaaq:

“ § 42. Inatsisartut Inatsisaat manna tunngavigalugu kommunalbestyrelsip aalajangiineri Naalakkersuisunut ingerlatinneqarsinnaavoq.

Imm. 2. Naammagittaalliut Naalakkersuisunit tiguneqareersimassaaq aalajangiinerup naammagittaalliortumut nalunaarutigineqarneranit kingusinnerpaamik sapaatit akunneri sisamat qaangiutsinnagit.

Imm. 3. Imm. 1 naapertorlugu Naalakkersuisut allatut aalajangersaanngippata, Naalakkersuisunut naammagittaalliorneq saqqummiunneqarpat, kinguartitsinermik kinguneqarsinnaanngilaq.

Imm. 4. Naalakkersuisut aalajangiussaasut oqartussaasut allaffeqarfiinut allanut naammagittaalliutigeqqinneqarsinnaanngillat.”

§ 44-mut

31. § 44 ima oqaasertalerneqassaaq:

“ § 44. Inatsisartut Inatsisaat manna atuutilerpoq ulloq 1. marts 2018.

Imm. 2. Tamatumunnga ilutigitillugu imigassanik aalakoornartortalinnik nioqquteqartarnej sassaallertarnerlu pillugit Inatsisartut Inatsisaat nr. 11, 11. november 2000-imeersoq atorunnaarsinneqarpoq.

Imm. 3. Imigassanik aalakoornartortalinnik tuniniaaneq sassaalliisarnerlu pillugit Inatsisartut Inatsisaat kingusinnerusukkut allannguuteqartut tunngavigalugit allaffissornikkut malittarisassat atulersinneqarsimasut atorunnaarsinneqarnissamik tungaanut atuutiinnassapput.

Imm. 4. Imigassaq pillugu akuersissutit Inatsisartut Inatsisaata atuutilerfia sioqqullugu tunniunneqarsimasut piffissaq atuuffimmik naanissaasa tungaanut imaluunniit Inatsisartut Inatsisaat manna tunngavigalugu atorunnaarsitsineqarnissamik, arsaarinnissutigineqarnissamik imaluunniit eqqartuussisutigut arsaarinnissutigineqarnissamik tungaanut atuutissapput.”

Allannguutissatut siunnersuummut oqaaseqaatit

Oqaaseqaatit nalinginnaasut

Allannguutissatut siunnersuummik matuminnga saqqummiussinermi Ilaqutariinnermut Peqqissutsimullu Ataatsimiititaliap ilassutitut isumaliutissiissutaa Naalakkersuisut maleruarpaat. Tamatuma saniatigut aningaasatigut tapersiisarneq pillugu aalajangersagaq Ilaqutariinnermut Peqqissutsimullu Ataatsimiititaliap isumaliutissiissutimini ilanngukkusutaa Naalakkersuisunit erseqqissarneqarpoq. Naggasiutigalugu siunnersuutip qallunaatuani naqinnerluinerit kiisalu siunnersuutip kalaallisuuani oqaatsitigut kukkussutit amigaatillugu aaqqinneqarnissaat siunertarineqarpoq.

Allannguutissatut siunnersuutip aalajangersagartaanut ataasiakkaanut oqaaseqaatit

Nr. 1-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 2-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 3-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 4-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 5-mut

Aalajangersagaq aalajangersakkamik atuuttumik ingerlatitseqqinneruvoq qallunaatuuani teknikikkut aaqqiissutitaqarluni kalaallisuanilu oqaatsitigut aaqqiissutitaqarluni.

Nr. 6-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 7-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 8-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 9-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 10-mut

Aalajangersakkat atuuttumit qallunaatoortaani teknikikkut naqqinnertalerlugu ingerlateqqitaapput.

Nr. 11-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 12-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 13-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 14-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 15-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 16-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 17-mut

Aalajangersagaq aalajangersakkamik atuuttumik ingerlatitseqqinneruvoq qallunaatuani teknikikkut aaqqiissutitaqarluni.

Nr. 18-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 19-mut

Ataatsimiititaliap ilassutitut isumaliutissiissutimini illoqarfinni nunaqarfinnilu arfininngornikkut tuniniaanermut ammasarfiit assigiissarneqarnissaannik kissaataa malillugu aalajangersagaq allanngortinneqarpoq.

Nr. 20-mut

§ 26, imm. 4 aaqqinneqarpoq taamaalilluni imminut akerleriittumik allassimasoqannginniassamat, tassami juullip-aappaa imm. 3-mi aamma imm. 4-mi eqqaaneqarami.

Nr. 21-mut

Ataatsimiitaliami amerlanerussuteqartut aningaasatigut tapersiisarnissamut periarfissat paasiuminarsarneqarnissaannik kissaataat aalajangersakkami erseqqissarneqarpoq.

Meqqit, saqqarmiuusat, ilisarnaatit assigisaallu atoqqusaanngillat. Imigassanik aalakoornartulinnik akulinnut assingusunik tunisassianik, soorlu tunisassianik 2,25% ataallugu aalakoornartortallit, imigassanut 2,25% sinnerlugit aalakoornartortalinnut paarlaanneqarsinnaasunik, nittarsaassisoqaqqusaanngilaq.

Aalajangersakkami aningaasatigut tapersersuinikkut suliffeqarfiup ilisarnaataata soorlu atisanut timersuutinut atorneqarsinnaanera akornuserneqanngilaq. Aalajangersakkami neriniartarfiup imaluunniit sassaalliteqartarfiup ussassaarinermut atatillugu nammineq atiminik ilisarnaatiminillu atuinissaa akornuserneqanngilaq. Suliffeqarfiulli atia ilisarnaataalu atorlugit aningaasanik tapersersuinermt ussassaarinermullu atatillugu assit allassimasulluunniit imigassanut aalakoornartortalinnut innersuussisut atorneqaqqusaanngillat.

Nr. 22-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 23-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 24-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 25-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 26-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 27-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 28-mut

Aalajangersakkat atuuttumit qallunaatoortaani teknikkikkut naqqinnertalerlugu ingerlateqqitaapput.

Nr. 29-mut

Aalajangersagaq aalajangersakkamik atuuttumik ingerlatitseqqinneruvoq qallunaatuani teknikikkut aaqqiissutitaqarluni kalaallisuanilu oqaatsitigut aaqqiissutitaqarluni.

Nr. 30-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.

Nr. 31-mut

Aalajangersakkat atuuttumit kalaallisoortaani oqaatsitigut naqqinnertalerlugu ingerlateqqitaapput.